

www.BibleForChildren.org

Matiyu 8



Be, naja fay irawa hubu hekeb Galili naja bana gon
niŋ taun kura Kana gorbe al kura bere tiriŋ gote dula
mata kurun forok yiriŋ. Yesu miliŋbe dula mata
kurunde gor hinhin. Yesu wor Galili nanare hinhin.
Ningeb yenya komatminya wor hoy yirkeb gor
kwamiŋ.



Be, dula mata kurunde gor niŋ wainbe hubu hiriŋ.
Irkeb Yesu miliŋ belen waiŋbe Yesu goyen, "Mel gabe
wain miŋmon hahan," inyiŋ. Gwaha inkeb miliŋ belen
gor niŋ meten mar goyen, "Yeŋ belen daha kura tinan
dinkeb go po gama irnayiŋ," yinyiŋ.



Irkeb Yesu belen meten mar goyen,
"Kuwe ga fe yunke makin hena," yinyin.
Irkeb fe yunke wan tumnan makin hitin
ala tiyamin. Irkeb, "Be, fe kura farde
yukun dula mata ga tonan hen hi al go
unna," yinke yen yirin
gwahade po tiyamin.



Gwaha tikeb dula mata gote tonan al goreb Yesu
belen fe tigiri tike wain hiriŋ goyen tunan uryiŋ.
Goyenbe wain gobe meten
mar belen gor niŋ kura
ten wayhan yen ma
nuryiŋ. Gega meten
mar gobe gwaha mat
forok yihi yen
nurde hinhan.
Be, tonan al
gore bere
tiriŋ al goyen
hoy irke
wakeb,



"Albe wain igin wor po go wa yawan yunke nene
hanyen. Irde ep nene hikeya gab wain mali malinen
goyen yawan yunen
hanyen. Goyenbe
gebe gwaha ma
taha. Wain iginbe
kame ga yunen yen
nurdeb wain mali
malinen goyen
hubu heke gab
gago igin
dunha," inyin.





Be, Galili naja bana nin taun Kana gorbe Yesu belen
hankapya wor po mata tinen goyen
forok iryin. Irkeb komatmin
yago mata tinen turnun yan
tiyyin goyen kenenbe yen
ge dufaymin sajin iramin.



Be, Yesu go Pitayen yare kunbe Pita
tenak aygan minyan ferde hike kinyin.




Irde kuŋ haniŋde tanarkeb aygaŋ go tubul tiyyiŋ.
Irkeb bere gore huwarde bingge kaŋ yunyiyiŋ.



Be, Yesuyen mere momon nuramin mar belenbe goyen
wawunbanare goyen numtuk urde hikeb Sabat nalu
hubu hihi yenbe Yesu
hitte garbam marya
ungura belen ketal
yurtin marya kurun
goyen yade wayamin.
Be, Kapeneam taunde
nin al buda kurun
goyen wan Yesu
hinhin ya goyen
dilin mar gabu
iramin.



Irkeb Yesu belen garbammin kurayen kurayen goyen sope yiriyin. Irdeb ungura belen al ketal yurtin goyen wor yakira tiyyin. Goyenbe ungura gore Yesube al gwahade yen nuramin. Gega, "Ne nin ma tagalnayin," yinen utan yiriyin.



Irdeb Al Kurunyen tareñbe Yesu ketal urke al garbam
minyany sope yirke kenenbe mel gore Yesu sisan urde
gab igin hiniñ yen kurut yen hinhan.



Gwaha ten hikeb al sipte kura gore al uliŋ kamtiŋ
sapiрте ten wayamiŋ.




Gega belen gwaha mat kura Yesu
hitte tukutek mon yirkeb ten ya
goyen hende hurkamin. Hurkunbe
Yesu hinhin turte gor yamen
iramin Irdeb garbam al go
sapirte palgir irke
Yesu hinhin
binde kurkuring.




Irkeb Yesu belen
dufaymin taren go
yenenbe al ulin
kamti goyen, "Urne,
mata bulunge halde
gunhem," inyin.
"Ne gare ginhem.
Huwarde sapirge
ten yager kwa!"
inyin.




Be, gwaha tenbe hakwa kura go
hende hurkuriŋ. Irkeb komatmin
yago wor go hende
hurkunbe yenya kwamin.




Irke gwahade forok yewen tiya
yen ma nurkeya bemel po mene
kurun huwaryin. Irkeb duba
karkuwan karkuwan fumde
wan hakwa mayde
binde hurkun ala hen
hinhin. Goya goyenbe
Yesube firtinge
hinhin.




Irkeb huwarde, "Daniñ geb ne niñ hekkeñ ma nurde
kafura heñ hañ?" yiniñ. Irdeb meñeya makanya bulun
wor po hiriñ goyen masi yirke kamaryum. Irkeb mel go
hurkunƙat teñbe, "Da albe gago?
Meñeya makanya wor yende
mere nurhar!" yeñ
kadam gusunñ
gird tiyamiñ.



Al Kurunbe megen niñ alya bereya
gayen bubulkunne wor po yeñ nurd
yunenbe Urmiñ unkuřen
muñ goyen basaña ma
irdeb yunyiñ.



Ningeb al kura Urmin goke
dufaymin tareɗ iryen al gobe
huginen kamde kamdere ma
kunbe Al Kurunya huginen
hiriryen.



Rom 3:23

Fudinde, al tumnan Al Kurun dilingde mata bulun
titiŋ ala geb, Al Kurunyen tareŋ turnun yaŋ bana
epte ma hitek haŋ.

Rom 6:23

Gwahade goyen po, mata bulun gote murungembe
huginen kamde kamde gogo. Munan Doyan Al
Kurunninin Yesu Kristuya hen hen goke ten detmin
kura Al Kurun belen damum mon dulin duntin gobe
yenya huginen hen hen gogo.

Hiburu 9:27

Albe wawun unkuŋen po kamnaying, sopte ma
kamnaying. Goyenbe go kamereb merere huwarke Al
Kurun belen al igin ma bulun goyen pota yiryen.



Efesus 2:8,9

Denbe Al Kurun belen dumulgan tike igin han gobe dindikende tarende mon. Al Kurun belen buningen dirde faran durkeb Yesu nin dufaytin tareng iramin geb, gogo dumulgan tiyyin. Dumulgan tiyyin gobe dulin dumulgan tiyyin. Mata igin kura ma ten hikeya dumulgan tiyyin.

Gogab al kura mata igin ten hiyen goke epte ma yingen ge turun turun ten hiyen.

Rom 10:9,10

Ningeb mere go yitin gwahade po, al kura binde mat wor po Al Kurun belen Yesu go kamtinde mat isan hiri goyen fudinde yen dufaymin tareng iryen, irde yingen mohonde wor po, "Yesube Doyan Al Kurun," yiyyenbe Al Kurun belen al go tumulgan tiyyen. Fudinde, al kura Yesu nin binde mat dufaymin sanin irke Al Kurun belen al huwak inyen. Irde dufaymin tareng irtin goyen mohonde mat kawan po tagalkeb Al Kurun belen tumulgan tiyyen.



Yon 3:16,17

Al Kurunbe megen nin alya bereya gayen bubulkunne wor po yen nurd yunenbe Urmin unkuken mun goyen basina ma irdeb yunin. Ningeb al kura Urmin goke dufaymin tareng iryen al gobe huginen kamde kamdere ma kunbe Al Kurunya huginen hiriryen. Al Kurunbe alya bereya gayen merem yan yire yen ma Urmin ten kerke katyin. Gwaha titnenbe Urmin belen meten tiyyen go hende alya bereya yumulgan tiyyen yen Urmin ten kerke katyin.



1 Yon 5:11-13

Be, Al Kurun belen Urmin ge tagaltin gobe gahade: Al Kurun belenbe yingenya huginen hen hen goyen dunyin, irde huginen hen hen gote min albe Urmin. Ningeb al kura Urminya awalikde han gobe Al Kurunya huginen hen hen minyan. Munan al kura Al Kurun Urminya awalikde ma han gobe Al Kurunya huginen hen hen goyen minmon. Be, nebe den alya bereya Al Kurun Urmin goke dufaytin tareng irtin han mar goyen Al Kurunya huginen hen hen matabe dende hitin goyen go nurwon yen asan gago kan dunen hime.



Matiyu 8-9; Mak 1-2, 4; Luk 4, 8; Yon 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Gwahatike Bible (dah) © 2000, Wycliffe Bible
Translators, Inc. All rights reserved.

<https://live.bible.is/bible/DAHPNG/MAT/1>

©2026 Bible for Children, Inc.

www.M1914.org

www.bibleforchildren.org

